

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 265411 25 St
Zenica, 26.05.2026. godine

Općinski sud u Zenici, sutkinja Marina Šapina, u stečajnom postupku nad imovinom stečajnog dužnika Proizvodno, prometno i uslužno društvo „INO“ d.o.o. Zenica, Sarajevska br. 255, Zenica, na ročištu održanom dana 26.05.2026. godine, u prisustvu privremene stečajne upraviteljice Nure Soldin iz Zenice i zastupnika po zakonu predlagatelja Senada Mulaibiševića u pratnji punomoćnika Ante Jonjića, odvjetnika iz Zenice, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom Proizvodno, prometno i uslužno društvo „INO“ d.o.o. Zenica, ul. Sarajevska 255, Zenica, MBS: 43-01-0537-08 (stari broj 1-8723).

O b r a z l o ž e n j e

Prijedlogom od 18.09.2025.godine, predlagatelja Proizvodno, prometno i uslužno društvo „INO“ d.o.o. Zenica, Sarajevska br. 255, Zenica, zastupan po zastupniku po zakonu Mulaibišević Senadu, direktoru društva, pokrenut je stečajni postupak nad navedenim društvom.

Rješenjem ovoga suda br. 43 0 St 265411 25 St od 19.12.2025.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika, te je za privremenu stečajnu upraviteljicu imenovana Nura Soldin iz Zenice, Talića brdo 1A.

Na ročištu za ispitivanje uvjeta za otvaranje stečaja održanom dana 26.05.2026. godine, privremena stečajna upraviteljica je izjavila da ostaje kod svog izvještaja od od 19.02.2026. godine. Navodi da društvo smanjeno posluje nekoliko godina unazad, a naročite unazad 4 godine, što je vidljivo iz priloženog bilansa stanja i bilansa uspjeha za 2025. godinu, iz kojeg se može vidjeti da su stavke aktive i pasive iste, znači ništa se nije mijenjalo. Utvrdila je da u knjigovodstvu postoje iznosi za zalihe sirovina i materijala od 40.800,00 KM, zalihe gotovih proizvoda od 11.511,00 KM, zalihe roba od 6.960,00 KM, te potraživanje od kupaca od 32.881,00 KM. U toku prethodnog postupka stečajna upraviteljica navodi da je sazvala komisiju za popis, koja je otišla na lice mjesta u sjedište stečajnog dužnika, da bi se utvrdilo stvarno stanje imovine kojom prilikom je utvrđeno sljedeće: na dan 18.02.2026. godine, od opreme su na stanju jedan stari računar i jedan stari printer koji su knjigovodstveno otpisani i zastarjeli, komisija je procijenila da bi njihova tržišna vrijednost bila 80,00 KM. Dalje navodi da prema uvjerenju MUP-a, na stečajnom dužniku se vode dva neregistrovana teretna vozila VW Cady i Mercedes Benz 208, navedena vozilanisu zatekli u sjedištu društva i prema izjavi direktora stečajnog dužnika ova vozila su prodana prije 10-15 godina. Privremena stečajna upraviteljica je kontaktirala knjigovodstveni servis AS da utvrdi kada su vozila prodana. U prepisci putem e-maila knjigovodstveni servis joj je rekao da su ta vozila prodana tj. da je stanje svih vozila na dan 31.12.2025. godine 0, ali pošto nisu vodili analitički po vozilima, pa stečajna upraviteljica ne može točno da utvrdi kada su prodana. Dostavljena joj je kartica svih vozila, na kojima se vide da pišu na računima broj računa/godina prodaje, tako da se tu spominju 2020 godina, 2017. godina i 2019. godina. Navodi da je dostavila izjašnjenje

na mjeru obezbjeđenja podnesenu od strane Porezne uprave F BiH, te da je u izjašnjenju navela da je VW Cady prodat 03.08.2020. godine u iznosu od 1.000,00 KM plus PDV ili ukupno 1.170,00 KM, faktura je priložena uz izvještaj, za drugo vozilo nije dobila fakturu o prodaji, ali iz kartice se vidi da su sva vozila prodana u periodu od 2017 do 2020 godine. Dalje navodi da za zalihe, sirovine i materijale kako je to navedeno u bilansu stanja u iznosu od 40.800,00 KM, daje sljedeće izjašnjenje: da u ove zalihe prodate u vidu kompenzacije za izmirenje dospjelih dugova a nisu knjižene. Ističe da joj je isto obrazloženje dao direktor i za zalihe gotovih proizvoda u iznosu od 11.511,00 KM kao i za zalihe robe u iznosu od 6.960,00 KM. Navodi da je za potraživanje od kupaca od 32.881,00 KM, tražila od suda uvid u službenu evidenciju CMS-a, da dobije listing svih sudskih predmeta i svih statusa ovih predmeta za stečajnog dužnika. Utvrdila je da je stečajni dužnik samo u dva predmeta, kod ovoga suda, označen kao tužitelj i da su oba predmeta arhivirana, oba su iz 2009.godine. te je za ista nastupila zastara, dakle ista su nenaplativa. Dalje navodi, da druga neutužena potraživanja, prema informaciji od knjigovodstvenog servisa i to spisak kupaca iz 2021. godine i spisak kupaca na dan 31.12.2025. godine. Privremena stečajna upraviteljica je poređenjem utvrdila svi kupci sa istim iznosima koji su na kartici iz 2025 godine su takođe na kartici iz 2021. godine, nije sigurna iz koje godine ta potraživanja potječu, ali su sva starija od 5 godina, te su ista zastarjela i nenaplativa. Navodi da društvo nema u svom vlasništvu ili posjedu nekretnine. Račun društva je blokiran od 26.10.2021. godine, prema potvrdi Raiffeisen banke koja je dostavljena u spis.

Navodi da na dan 31.12.2025. godine obaveze stečajnog dužnika iznose ukupno 115.104,56 KM i analitika je prikazana na strani 6 izvještaja. Kako iz svega naprijed navedenog proizilazi da društvo ima ne izmirene obaveze od 115.104,56 KM, a nema imovine iz koje bi se mogli namiriti troškovi stečajnog postupka. Privremena stečajna upraviteljica navodi da su ispunjeni uvjeti za otvaranje stečaja nad imovinom stečajnog dužnika, međutim kako društvo nema nikakve imovine koja bi mogla činiti stečajnu masu i imovinu iz koje bi se mogli namiriti troškovi stečajnog postupka, predlaže da sud pozove povjerioce i zainteresirana lica, da predlaže otvaranje stečajnog postupka i uplate predujam za obezbjeđenje stečajnog postupka u iznosu od 3.000,00 KM na depozit suda, te da ukoliko niko u ostavljenom roku ne predujmi određeni iznos, donese rješenje o otvaranju i zaključenju stečajnog postupka nad ovim društvom te po pravomoćnosti rješenja dostvi sudskom registru za brisanje istog iz sudskog i drugih registara po pravomoćnosti istog.

Navodi da je obišao dotadašnje sjedište firme, koje nije bilo u vlasništvu firme nego je bilo u zakupnom odnosu i utvrdio da na navedenoj adresi više ne postoji ni istaknuta firma, niti predmetno društvo ima ikakve imovine koja bi činila stečajnu masu., te je utvrdio da firma Connecting the Dots d.o.o. Visoko, već određeno vrijeme ne obavlja djelatnost i ne posjeduje bilo kakvu imovinu ili imovinska prava koja bi predstavljala stečajnu masu, što je također potvrđeno i uvjerenjima izjavnih registara, priloženim uz izvještaj i to: Potvrda nadležnog Zemljišnoknjižnog ureda broj:041-0-RZ-25-001821 od 01.09.2025.god.,Uvjerenje nadležnog Katastarskog ureda broj: 04/2-26-1-1873/25-2 od 29.08.2025.god., Uvjerenje MUP-a broj: 08-01-02/7-03-7-3858/25 od 03.09.2025.godine. Račun društva je blokiran na dan podošenja zahtjeva za pokretanje stečajnog postupka, prema potvrdi UniCredit bank d.d. Mostar od 21.05.2025.god. Dalje navodi da što se tiče nezatvorenih stavki u posljednjem bilansu stanja na dan 31.12.2024. godine u kojima se vodi potencijalna imovina istaknuto je sljedeće: Konto 005 – Postrojenja, oprema i namještaj u iznosu od 1.453 KM, predstavlja fiskalnu kasu koja nema vrijednosti te polovan laptop (kompjuter) koji je prema navodima zakonskog zastupnika prodat još dok je poslovala firma, ali bez uredne dokumentacije, te je novac potrošen za troškove tekućeg poslovanja, Konto 042 – Dati avansi u iznosu od 2.912 KM, te Konto 051 – Dati krediti u iznosu od 25.549 KM predstavlja novac koji je zakonski zastupnik uzeo radi podmirenja troškova poslovanja 2019-2020.godine i koji se nikada nije vratio i nije provedeno kroz dokumentaciju. Konto 047 – Kupci u zemlji u iznosu od 2.050 KM predstavlja dio potraživanja od kupaca po osnovu zaključenih ugovora o pružanju konsultantskih usluga. U računovodstvu nemaju nikakve podatke niti validne račune kao ni spisak firmi od kojih potražuju iz razloga gubitka dokumentacije. Napominje da su predmetna potraživanja zastarila s obzirom da su to potraživanja iz 2019.godine. Konto 053 – Ostala finansijska imovina po amortizovanom trošku u iznosu od 2.292 KM predstavlja amortizaciju osnovnih sredstava koja su knjižena kao ulaganja te ne predstavlja ikakvu imovinu koja bi predstavljala stečajnu masu.

Dalje izjavljuje da društvo na dan 31.12.2024.god. nema iskazane Dugoročne obaveze, da Kratkoročne obaveze na dan 31.12.2024.godine, iznose 25.530,00 KM i sastoje se od: ostalih obaveze, uključujući i razgraničenja u iznosu od 15.558 KM, a koje predstavljaju obaveze po osnovu neisplaćenih neto i bruto plata, kao i ostalih primanja zaposlenika (direktor i jedan zaposlenik) Društva , obaveze za porez na

dobit u iznosu od 9.972 KM , što predstavlja dugovanje prema Poreznoj upravi FBiH. Navodi da Društvo ne obavlja nikakvu djelatnost niti ima mogućnosti za nastavak poslovanja i nema imovinu ili potraživanja. Na računu Društva nema sredstava i isti je blokiran prema podacima Centralne banke BiH.

Uvidom u poslovnu dokumentaciju, javne registre, izjave zakonskog zastupnika te računovođe Društva i ličnim uvidom na sjedištu, utvrđeno je da Društvo ne posjeduje nikakvu materijalnu ili nematerijalnu imovinu kao ni prava ili potraživanja koja bi činila stečajnu masu čime bi se namirili troškovi stečajnog postupka kao i potraživanja povjerilaca. Društvo ne obavlja nikakvu djelatnost i nema uslova za bilo kakav nastavak poslovanja. Svoju djelatnost Društvo je obavljalo u prostorijama koje su u zakupnom odnosu. Privremeni stečajni upravitelj navodi da je prijedlog za otvaranje stečaja podnesen u roku od 60 dana od dana nastupanja platežne nesposobnosti.

Kako društvo nema imovinu i nematerijalna sredstva iz koje bi činile stečajnu masu, a iz koje bi se mogli namiriti troškovi postupka i stečajni povjerioci, predlaže da sud pozove povjerioce i zainteresirana lica da u roku od 30 dana uplate iznos od 5.000,00 KM na ime podmirenja troškova stečajnog postupka i predlože otvaranje stečajnog postupka, a ukoliko u ostavljenom roku isto ne bude učinjeno da sud donese rješenje o otvaranju i zaključenju stečajnog postupka i po pravomoćnosti briše društvo iz sudskog registra.

Zastupnik po zakonu predlagatelj izjavljuje da se dati avansi na kontu 042 – Dati avansi u iznosu od 2.912 KM, i na Kontu 051 – Dati krediti u iznosu od 25.549 KM odnose na finansirane osnovnih potreba za poslovanje društva, npr. troškovi putovanja, noćenja, te reprezentacije, a koje su po savjetu računovođe društva uzimani kao pozajmnice iz sredstava društva i utrošeni su za poslovanje društva, za navedeno nema finansijske dokumentacije.

Zastupnik po zakonu predlagatelj je izjavio da ostaje kod prijedloga za otvaranje stečajnog postupka, nema primjedbi ni pitanja na izvještaj privremenog stečajnog upravitelja, te je suglasan sa prijedlogom stečajne upraviteljice. Izjavljuje da je velika većina 80-90 % dugovanja i potraživanja izmirena na način da je vršena kompenzacija bilo isporukom roba, bilo vršenjem usluga, šivenje izrade tekstilnih proizvoda, budući d aje stečajni dužnik i prije 2021. godine imao povremene blokada svog računa zbog kreditnih zaduženja. Isto tako pomenuta motorna vozila su prodana prije zabilježbe zabrane i otuđenja od Porezne uprave ali kupci motornih vozila nisu izvršili prijenos vlasništva na svoje ime u momentu prodaje i neposredno poslije tako da je Porezna uprava izvršila zabranu otuđenja poslije transakcija prodaje te se tako objašnjava izvještaj MUP-a ZDK Sektora za administraciju.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina